

# EMBASSY OF THE UNITED STATES OF AMERICA

## PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: [DhakaPA@state.gov](mailto:DhakaPA@state.gov)

WEBSITE: <http://dhaka.usembassy.gov>



## সংবাদ বিজ্ঞপ্তি

### যুক্তরাষ্ট্র-বাংলাদেশ সামরিক বাহিনী যৌথভাবে দুর্যোগ ত্রাণ অনুশীলন করবে

ঢাকা, ১০ই আগস্ট -- বাংলাদেশ সশস্ত্র বাহিনীর সঙ্গে “দুর্যোগে দুর্নির্বার” নামে এক মানবিক সহায়তা/দুর্যোগ ত্রাণ অনুশীলনে অংশগ্রহণের জন্য জাপানের ওকিনাওয়া-ভিত্তিক যুক্তরাষ্ট্র মেরিন কোর-এর একটি দল এখন বাংলাদেশ সফর করছে। এই দল পাঁচ দিনব্যাপী প্রশিক্ষণে ভূমিকম্পের পর কিভাবে দুর্যোগ ত্রাণ তৎপরতা চালাতে হয় তা অনুশীলন করবে।

এই অনুশীলন ভবিষ্যতে প্রাকৃতিক দুর্যোগে যুক্তরাষ্ট্র এবং বাংলাদেশের একত্রে কাজ করার সক্ষমতাকে বৃদ্ধি করবে। এশিয়া ও প্রশান্ত মহাসাগরীয় অঞ্চল জুড়ে আন্তঃসামরিক সম্পর্ক উন্নয়নের মধ্য দিয়ে বাংলাদেশ এবং আঞ্চলিক নিরাপত্তার প্রতি যুক্তরাষ্ট্র সরকারের অঙ্গীকারেরও একটি বহিঃপ্রকাশ এই অনুশীলন। দুর্যোগ প্রস্তুতি ছাড়াও উভয় দেশের সামরিক বাহিনী মানবিক সহায়তা থেকে শুরু করে চিকিৎসা প্রশিক্ষণ পর্যন্ত বিভিন্ন বিষয়ে যৌথভাবে কাজ করে আসছে।

যুক্তরাষ্ট্র মেরিন কোর-এর এই দলের নেতৃত্বে আছেন ব্রিগেডিয়ার জেনারেল রোনাল্ড বেইলি। ঘূর্ণিঝড় সিডরের পর যুক্তরাষ্ট্র সামরিক বাহিনী কর্তৃক তাৎক্ষণিক মানবিক সহায়তা কার্যক্রমের নেতৃত্বেও ছিলেন তিনি।

=====

জিআর/২০০৮

**দ্রষ্টব্য:** এই সংবাদ বিজ্ঞপ্তির ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে ‘আমেরিকান সেন্টার’-এর প্রেস সেকশনে (টেলিফোন: ৮৮৩৭১৫০-৪, ফ্যাক্স: ৯৮৮৫৬৮৮; ই-মেইল: [DhakaPA@state.gov](mailto:DhakaPA@state.gov) এবং ওয়েবসাইট: [dhaka.usembassy.gov](http://dhaka.usembassy.gov)) যোগাযোগ করুন।